

Bosna i Hercegovina
Federacija Bosne i Hercegovine
Federalno ministarstvo energije, rudarstva i industrije
Mostar

Program

**utroška grant sredstava utvrđenih u razdjelu 17. Budžeta
Federacije Bosne i Hercegovine za 2017. godinu Federalnom
ministarstvu energije, rudarstva i industrije „Kapitalni transferi
javnim preduzećima – Finansiranje razvojnih projekata u Federaciji
BiH“**

Mostar, mart 2017. godine

1. UVOD

Po završetku rata namjenska industrija u Federaciji Bosne i Hercegovine je ušla u period otežanog poslovanja jer su privredna društva u ratu devastirana, opljačkana i kadrovski osiromašena. Pored svih poteškoća, namjenska industrija se pokazala kao jako vitalan dio privrede koji se formirao u skladu sa svojim mogućnostima i u potpunosti okrenuo inotrištu. Tržište proizvodima naoružanja i vojne opreme (u daljem tekstu: NVO) nigdje u svijetu, pa tako ni u Bosni i Hercegovini, odnosno Federaciji Bosne i Hercegovine nije potpuno otvoreno i slobodno. Bilo kakav izvoz, uvoz ili unutrašnji promet regulisan je restriktivnim propisima i podliježe strogom nadzoru.

U ekonomski razvijenim zemljama namjenski sektor spada u elitni dio industrije koji zapošljava vrhunske kadrove i u odnosu na ostale industrije ima izuzetno visoku stopu izdvajanja sredstava za razvoj novih proizvoda i tehnologija. Ulaganjem u razvoj namjenske industrije ostvarit će se tehnološki razvoj, jačanje domaćih kompanija, porast stranih ulaganja i povećanje konkurentnosti Federacije Bosne i Hercegovine na tržištu. Računa se da namjenska industrija u Federaciji Bosne i Hercegovine može djelimično postati pokretač razvoja i rasta privrede uz očuvanje postojećih i otvaranje novih radnih mesta.

Da bi se ostvarili postavljeni ciljevi o razvoju namjenske industrije u periodu 2011.-2021. godine potrebno je obezbijediti stabilno i povoljno finansiranje kroz različite vidove ulaganja na način da se svakom privrednom društvu omogući tržišna opravdanost i održivost.

2. PRAVNI OSNOV

- Projekat: Razvoj industrijske politike u Federaciji Bosne i Hercegovine, („Službene novine Federacije BiH“, broj 40/10);
- Akcioni plan za realizaciju projekta „Razvoj industrijske politike u Federaciji BiH“ 2016-2019 (Zaključak V. broj: 91/2016 od 14.01.2016. godine);
- Strategija razvoja namjenske industrije u periodu 2012-2022. godine (Zaključak V. broj: 1423/11 od 22.12.2011. godine).
- Akcioni plan koji prati izvršenje Strategije razvoja namjenske industrije u periodu 2012-2022. godine (Zaključak V. broj: 1068/2012 od 26.07.2012. godine).

3. ZAKONODAVNI OKVIR PROVOĐENJA PROGRAMA

- Budžet Federacije Bosne i Hercegovine za 2017. godinu („Službene novine Federacije BiH“, broj 104/16);
- Zakon o izvršavanju Budžeta Federacije Bosne i Hercegovine za 2017. godinu („Službene novine Federacije BiH“, broj 104/16);
- Zakon o javnim preduzećima u Federaciji Bosne i Hercegovine („Službene novine Federacije BiH“, br. 8/05, 81/08, 22/09 i 109/12);
- Zakon o proizvodnji i prometu naoružanja i vojne opreme u Federaciji Bosne i Hercegovine („Službene novine Federacije BiH“, broj 79/07).

4. CILJ PROGRAMA

Cilj Programa utroška grant sredstava utvrđenih u razdjelu 17. Budžeta Federacije Bosne i Hercegovine za 2017. godinu Federalnom ministarstvu energije, rудarstva i industrije „Kapitalni transferi javnim preduzećima – Finansiranje razvojnih projekata u Federaciji BiH“ (u daljem tekstu: Program), je stvoriti povoljnije poslovno i investicijsko okruženje kao i poboljšanje okvirnih uslova za poslovanje preduzeća iz oblasti namjenske industrije u Federaciji Bosne i Hercegovine, a kroz realizaciju strateških ciljeva koji su usvojeni u dokumentu Razvoj industrijske politike u Federaciji Bosne i Hercegovine i Strategiji razvoja namjenske industrije.

U skladu sa tim, očekivani efekti Programa su:

- povećanje broja zaposlenih,
- rast indeksa industrijske proizvodnje za sektor namjenske industrije,
- primjena novih naprednih tehnologija i tehnoloških postupaka,
- infrastrukturno osposobljeni pogoni za pokretanje novih proizvodnih procesa,
- razvoj novih proizvoda, modernizacija proizvodnih procesa i
- poboljšanje općeg privrednog stanja.

5. NAMJENA DODIJELJENIH SREDSTAVA

Kako su Zakonom o proizvodnji i prometu naoružanja i vojne opreme u Federaciji Bosne i Hercegovine („Službene novine Federacije BiH“, broj 79/07), članom 5., „Proizvodnja i promet naoružanja i vojne opreme djelatnosti od posebne federalne važnosti“, te zbog teškog finansijskog stanja u većini privrednih društava iz oblasti namjenske industrije, a koja su u većinskom državnom vlasništvu, Ministarstvo se opredijelilo za dodjelu grant sredstava kao pomoć privrednim društvima iz naprijed navedene oblasti.

Dodjela grant sredstava se vrši za:

- repariranje zastarjele opreme neophodne za proizvodne procese,
- nabavku nove opreme za proizvodnju,
- infrastrukturne radove na proizvodnim pogonima s ciljem pokretanja novih proizvodnih procesa.

6. KRITERIJI ZA IZBOR KORISNIKA SREDSTAVA ZA DODJELU

Dodjela sredstava po ovom Programu biti će regulisana ugovorom o dodjeli grant sredstava.

Korisnici sredstava po ovom Programu su privredna društva sa sjedištem u Federaciji Bosne i Hercegovine čija je primarna djelatnost definisana djelatnostima proizvodnje u sektorima navedenim u tački 5. ovoga Programa, te da zapošljavaju najmanje 50 zaposlenika.

Pri izboru korisnika sredstava treba se pridržavati i sljedećih kriterija:

- Teritorijalna zastupljenost – (tokom odabira korisnika sredstava mora se posvetiti posebna pažnja ravnomjernoj zastupljenosti korisnika s cijelog područja Federacije Bosne i Hercegovine, odnosno kantona);
- Potpisani ugovori ili dogovoreni predugovori vezani za izvoz; (privredno društvo koje ima potpisane ugovore ili dogovorene predugovore vezane za izvoz ima prednost nad drugim privrednim društvom koje nema iste).

7. SREDSTVA PREDVIĐENA ZA DODJELU

Sredstva za provedbu ovog Programa utvrđena su u razdjelu 17, ekonomski kod 615 Budžeta Federacije Bosne i Hercegovine za 2017. godinu.

Navedena sredstva su grant sredstva Federalnog ministarstva energije rудarstva i industrije i dodjeljivati će se po raspisanom Javnom pozivu.

Budžetom Federacije Bosne i Hercegovine u 2017. godini, Ministarstvu, u Razdjelu 17, „Kapitalni transferi javnim preduzećima – Finansiranje razvojnih projekata u Federaciji Bosne i Hercegovine“ obezbijeđena su sredstava u ukupnom iznosu od 4.000.000,00 KM i predviđeno je da se ista rasporede ovim Programom.

Privredna društva po ovome Programu mogu ostvariti pravo na dodjelu grant sredstava samo po jednom dostavljenom zahtjevu.

8. TRAJANJE PROGRAMA

Program traje do utroška sredstava.

9. TIJELA NADLEŽNA ZA PROVOĐENJE PROGRAMA

Tijela nadležna za provođenje i nadzor nad namjenskim korištenjem sredstava po ovom Programu su Ministarstvo i Federalno ministarstvo finansija/financija, svako u okviru svoje nadležnosti.

U slučaju da se sredstva ne opravdaju, privredno društvo kome su ista dodijeljena, obavezno je vratiti sredstva na Jedinstven račun Trezora Federacije Bosne i Hercegovine.

10. PROVOĐENJE PROGRAMA

Sredstva se dodjeljuju na osnovu raspisanog Javnog poziva. Javnim pozivom se definiše potrebna dokumentacija koja se prilaže uz zahtjev za dodjelu sredstava. Javnim pozivom, od potencijalnih korisnika sredstava, biti će zatražena sljedeća dokumentacija:

- Zahtjev za dodjelu grant sredstava,
- Program sa rekapitulacijom potrebnih novčanih sredstava za realizaciju programa sa očekivanim efektima utroška sredstava,
- Rješenje o registraciji sa svim izmjenama i dopunama,
- Aktuelni izvod iz u sudskog registra (ne stariji od 30 dana),
- Statut i odluka/akt o osnivanju,
- Uvjerenje o poreznoj registraciji kod Porezne uprave – ID broj,
- Uvjerenje o registraciji obveznika poreza na dodanu vrijednost – PDV broj,
- Obavjest nadležnog zavoda za statistiku o razvrstavanju prema djelatnosti,
- Lične karte i CIPS potvrde o prebivalištu lica ovlaštenih za zastupanje,
- Spisak zaposlenika iz matične evidencije aktivnih osiguranika, izdat od strane nadležne službe ne stariji od 30 dana od dana podnošenja zahtjeva (min. 50 zaposlenika),
- Ostala dokumentacija u skladu sa eventualnim zahtjevima Ministarstva.

Napomena:

Zahtjev za dodjelu grant sredstava može se preuzeti na web stranici Ministarstva (www.fmeri.gov.ba).

Svi traženi dokumenti trebaju biti originali ili ovjerene kopije ne starije od 30 dana od dana podnošenja zahtjeva za dodjelu grant sredstava.

Pismeni zahtjev za dodjelu sredstava sa potrebnom dokumentacijom po Javnom pozivu, uvezan i poredan po tačkama Javnog poziva, podnosi se Ministarstvu na memorandum društva, potpisani od strane ovlaštenog lica.

Zahtjevi za grant sredstva koji su veći od maksimalnog predviđenog iznosa ovog Programa, smatrati će se formalno neispravnim i neće se uzeti u razmatranje.

U cilju provođenja postupka dodjele sredstava na osnovu podnesenih zahtjeva, federalni ministar energije, rudarstva i industrije Rješenjem imenuje Komisiju za utvrđivanje prijedloga sa rang listom korisnika dijela sredstava utvrđenih u razdjelu 17. Budžeta Federacije Bosne i Hercegovine za 2017. godinu Federalnom ministarstvu energije, rudarstva i industrije „Kapitalni transferi javnim preduzećima – Finansiranje razvojnih projekata u Federaciji Bosne i Hercegovine“ (u daljem tekstu: Komisija), koje se sastoji od tri člana iz reda zaposlenika Ministarstva.

Javni poziv po ovom Programu biti će raspisan nakon usvajanja Programa od strane Vlade Federacije Bosne i Hercegovine i biti će otvoren 15 dana od dana zadnje objave.

Komisija će izvršiti pregled pristiglih zahtjeva za dodjelu sredstava, s ciljem utvrđivanja formalne ispravnosti istih i pri izboru korisnika će poštivati osnovne principe kao što su jednako postupanje, ravnomjerna teritorijalna zastupljenost, nediskriminacija, povjerljivost i transparentnost. Komisija je dužna sačiniti zapisnik.

Komisija može zatražiti od privrednog društva dodatna pojašnjenja i dodatnu dokumentaciju.

Komisija će na osnovu Programom utvrđenih kriterija i svojih internih akata (koji se donose po potrebi), sačiniti Prijedlog sa rang listom pojedinačnih zahtjeva sa predloženim iznosima novčanih sredstava za dodjelu i isti dostaviti federalnom ministru energije, rudarstva i industrije.

Federalni ministar energije, rudarstva i industrije će, na osnovu dostavljenog Prijedloga rang liste pojedinačnih zahtjeva sa dodijeljenim iznosima novčanih sredstava od strane Komisije, uputiti Prijedlog odluke Vladi Federacije Bosne i Hercegovine o izboru korisnika grant sredstava, na usvajanje.

11. KONTROLA UTROŠKA GRANT SREDSTAVA

Ministarstvo će imenovati Komisiju za kontrolu namjenskog utroška grant sredstava utvrđenih u razdjelu 17. Budžeta Federacije Bosne i Hercegovine za 2017. godinu Federalnom ministarstvu energije, rudarstva i industrije „Kapitalni transferi javnim preduzećima – Finansiranje razvojnih projekata u Federaciji Bosne i Hercegovine“ (u daljem tekstu: Komisija za kontrolu utroška).

Komisija za kontrolu utroška radi u skladu sa Programom i Javnim pozivom, te svojim internim aktima i dužna je sačiniti Zapisnik o utrošku sredstava za svako preduzeće. Zapisnik se dostavlja federalnom ministru energije, rudarstva i industrije i Komisiji. Izvještaj o utrošku grant sredstava za 2017. godinu će se putem Ministarstva dostaviti Vladi Federacije Bosne i Hercegovine na razmatranje i usvajanje.

12. OBJAVLJIVANJE AKTA

Ministarstvo će ovaj Program, Odluku o usvajanju Programa i Odluku o izboru korisnika grant sredstava utvrđenih u razdjelu 17. Budžeta Federacije Bosne i Hercegovine za 2017. godinu Federalnom ministarstvu energije, rудarstva i industrije „Kapitalni transferi javnim preduzećima – Finansiranje razvojnih projekata u Federaciji Bosne i Hercegovine“ objaviti u „Službenim novinama Federacije BiH“ i na web stranici Ministarstva: (www.fmeri.gov.ba).

Ministarstvo će Javni poziv za kandidovanje Programa utroška dijela sredstava utvrđenih u razdjelu 17. Budžeta Federacije Bosne i Hercegovine za 2017. godinu Federalnom ministarstvu energije, rудarstva i industrije „Kapitalni transferi javnim preduzećima – Finansiranje razvojnih projekata u Federaciji Bosne i Hercegovine“ objaviti u dnevnoj štampi „Dnevni avaz“ i „Večernji list“, te u „Službenim novinama Federacije BiH“, kao i na web stranici Ministarstva: (www.fmeri.gov.ba).

MINISTAR

Nermin Džindić